

ISUMALIUTISSIISUT

Kultureqarnermut, Ilinniartitaanermut, Ilisimatusarnermut, Ilageeqarnermullu Ataatsimiititaliap

Siunissami piginnaaneqarnerulernissaq linjefaginilu minnerunngitsumik matematikimi, tuluttoornermi, fysik/kemimi naturfagimilu atuartitsisalernissamat periarfissat annertusarniarlugit Meeqqat atuarfianni ilinniartitsisut ilinniaqqinnissaminnut piginnaangorsaqqinnissaminnullu atatillugu pitsaanerusunik periarfissaqarnissaat pillugu nalunaarusiornissamat Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarusiaq inatsisartut 2013-mi upernaakkut ataatsimiinneranni saqqummiunneqassaaq.

(Inatsisartuni ilaasortaq Andreas Uldum, Demokraatit)

pillugu

ISUMALIUTISSIISUTAA

siunnersuutip aappassaanneernejarnerani saqqummiunneqartoq

Ataatsimiititaliap suliariarinnermimi kingullermik ukuninnga inuttaqarpoq:

Hans Aronsen, (IA), Siulittaasoq
Jørgen-Ole Nyboe Nielsen, (D), Siulittaasup tullia
Harald Bianco, (IA)
Ruth Heilmann, (S)
Aleqa Hammond, (S)

Ulloq 11. Oktober 2012-imi UKA2012-ip ingerlanerani siunnersuutip siullermeerneqareernerata kingorna ataatsimiititaliap siunnersuut misissorpaa.

Siunnersuutip imarisai siunertaalu

Siunnersuuteqartup kissaatigaa, UPA2013-mi inatsisartut ataatsimiinnerani inatsisartunut saqqummiunneqartussamik Naalakkersuisut nassuiaammik suliaqarnissaat. Nassiuaammi misissorneqassaaq meeqqat atuarfianni ilinniartitsisut faginut ilinniaqqinnissamat ilinniakkallu nangingneqarnissaanut periarfissaat misissuiffigineqassapput, pingaartumik fagini matematikimi, (kisitsineq) tuluttoornermi, fysik/kemimi (pinngoqqaatinik umaatsulerineq) pinngortitalerinerlu.

Siunnersuuteqartup innersuussutigaa, atuartunut inuiaqatigiinnullu pitsaanerussasoq meeqqat atuarfiani ilinniartitsisut amerlanerusut atuartitsinissaminni fagini pitsaanerusunik tunngavissaqarpata. Siunnersuuteqartup innersuussutigai Akileraartarnermut Atugarissaarnermullu ataatsimiititaliarsuup nalunaarusiaanut atatillugu IMAK-ip akissuteqaataa innersuussutigaa, kiisalu IMAK-mi misissuineq tunngavigalugu ilinniartitsisut pisariaqartitsitaminnik namminneq naliliisimanagerat.

Siunnersuutip inatsisartuni siullermeerneqarnera.

Naalakkersuisut isumaqarput siunnersuut naleqquttuusoq meeqqallu atuarfiani piginnaasat nukittorsaavigineqarnissaat isumaqataaffigalugu, kisiannili siunnersuut taamatut isikkoqartillugu tapersersorsinnaanagu, tassami ilinniartitaaneq pillugu suleriesissaq II aallartinneqareemat.

Inuit Ataqaatigiit aalajangiussassatut siunnersuutip oqaaseqatigiinneri allangortinneqartussatut isigaat, imaalillugit, ilinniartitsisutut ilinniarneq aamma ilinniaqqittarneq ilinniakkanillu nangitsisarneq pillugit nalilersuiffigeqqinneqarlutik.

Siumumit siunnersuut taperserneqarsinnaanngilaq, ilaatigut siunnersuummi nassiuuasiornissamut fagit tamakkerlugit ilaatinneqarsimanngimmata, aammalu Naalakkersuisunit ilinniartitaaneq pillugu suleriesissaq II aallartinneqareersimammat, tassanilu siunertarineqartumi naatsorsuutigineqartut tamarmik ilaatinneqareermata.

Demokraatit meeqqat atuarfiani ilinniartitsisut ilinniaqqissinnaanerannut ilinniakkanillu nangitsisinnaanerannut pitsannngorsaataasinnaasunik suliniuteqartoqartariaqartoq nalilerpaat, imatut oqaatigalugu, piginnaasaat qaffassarneqassasut. Siunnersuutip ilinniartitaaneq pillugu suleriesissaq II-mut ilannguneqaannarnissaa naammaginatutut Demokratiniq isigineqanngilaq.

Atassutip ilinniartitsisut atuartitsinissaminnut pitsaanerpaamik tunngavissaqarnissaat aalajangiisuulluinnartutut isigaat, imatut oqaatigalugu, atuartunik ilikkartitsinnaallutik taamaalillutik atuartut ilikkarniarnerannut suleqataallutik. Suliaq Naalakkersuisunit aallartinneqareersimammat partiip siunnersuut tapersersinnaanngilaa.

Kattusseqatigiit Partiiarit isumaqarpoq, meeqqat atuarfiat nammiliilernissamut imminullu inuttaasutut pilersornissamut tunngaviliisuusartoq, taamaattumillu meeqqat atuarfianni ilinniartitsisunik piginnaanngorsaaneq pingaaruteqarpoq. Suliaq Naalakkersuisunit aallartinneqareersimammat partiip siunnersuut tapersersinnaanngilaa.

Siunnersuutip ataatsimiititaliamit suliarineqarnera.

Ataatsimiititaliap malugaa, siunnersuut siullermeerneqarnermi inatsisartunit tamakkiisumik taperserneqanngitsoq. Kisiannili ilinniartitsisutut ilinniagaqartarnerup, ilinniaqqittarnerup ilinniakkamillu ingerlatitseqqittarnerup pitsaassusaasa pingaaruteqassusiat partiit tamarmik taperserlugu. Minnerunngitsunik meeqqat atuarfiani tunngaviusumik atuartitaaneq ilinniartitaanermut ingerlaqqinnissamut pingaarutilimmik tunngavissiuusuusarmat, taamaalilluni ilinnialernissamut tamanut periarfissanut qulakkeerinnilluni.

Ataatsimiititaliap paasivaa, partiit tamarmik siunnersutip tunuliaqutaani siunertarineqartut taperseraat, kisiannili naggataatigut inernerineqartussanut periusaasusaaq isumaqatigiissutigineqarani – suli meeqqat aturfiani ilinniartutsisut ilinniaqqinnissamut ilinniakkanillu ingerlatitseqqinnissaanut periarfissat pitsaanerusut. Ataatsimiititaliamilli nalilerneqarpoq, isumaqatigiinnginneq marlunnik tunngaveqartoq, siullertut fagit suut nassuiaateqarnermi ilannguneqarnissaat, aappaattullu nassiuasiaq nammineq ingerlanneqassanersoq imaluunniit ilinniartitaaneq pillugu periusissaaq II-mut ilannguneqassanersoq. Taamaattumik ataatsimiititaliamit nalilerneqarpoq, meeqqat aturfiani atuartut pitsaasumik aturinneqassappata Meeqqat aturfiani ilinniartitsisut fagini ilinniaqqinnissamut ilinniakkanillu nangitseqqinnissaannut periarfissat pitsaanerusariaqartut. Tamanna tunngavigalugu suliap aappasaanerseqarnissaanut ataatsimiititaliaq allannguutissatut siunnersuummik saqqummiussiniarpoq, tassani Naalakkersuisut ilinniartitaaneq pillugu periusissaannut II-mut meeqqat aturfiani ilinniartitsisut ilinniaqqinnissaannut ilinniakkanillu nangitseqqinnissaannut periarfissat ilanngullugit nalilersorneqassallutik.

Siunnersuummi Naalakkersuisut ilinniartitaaneq pillugu periusissaannut II-mut siunertarineqartunut ilannguneqarnissaat ataatsimiititaliap pissusissamisoortutut isigaa. Aammattaaq ataatsimiititaliaq isumaqarpoq misissuinermi fagit tamarmik ilannguneqartariaqartut, fagit ataasiakkaat allanit pingaarnertut isigineqarnissaannut sanilliullugu.

Siunnersuutip aningaasatigut kingunerisinnaasai


Ataatsimiititaliap paasivaa, siunnersuut piviusunngortinneqassagaluarpat, tamanna Ilinniartaanermut Ilisimatusarnermullu Naalakkersuisoqarfiup maannakkut aningaasartuutissaasa iluini aningaasalerneqarsinnaasooq siunnersuuteqartup nalilersimavaa.

Ataatsimiititaliap isumaqatigiittup inassuteqaataa:

Ataatsimiititaliap isumaqatigiittup allannguutissatut siunnersuut manna saqqummiuppaa:

Naalakkersuisut ilinniartitaaneq pillugu periusissaaq II-mut ilaatut ilinniartitsisut ilinniaqqinnissaannut ilinniakkanillu ingerlatseqqissinnaaneranut periarfissat nalilersussagaat, meeqqat aturfiaanni pisariaqartitanut naleqqussakkanik aammalu inuiaqatigiinnut suli ineriartortunut pillugit inatsisartut aalajangiiffigisassatut siunnersuut. Ataatsimiititaliamit Naalakkersuisut kaammattorneqarput Ilinniartitaanermut periusissaaq II-mut suliamut susassaartut qanimut suleqatigeqqullugit.

Taamatut oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaanniigassanngortippaa.



Jørgen-Ole Nyboe Nielsen
(D)

Siulittaasup tullia




Hans Aronsen (IA)

Siulittaasoq



Harald Bianco (IA)



Ruth Heilmann (S)



Aleqa Hammond (S)